

U G O V O R
ZA PRUŽANJE REVIZIJE FINANSIJSKIH IZVJEŠTAJA
KZ 22/20

Zaključen u Sarajevu dana 01.02.2021. godine između:

KJKP „Toplane – Sarajevo“ d.o.o.

sa sjedištem u Sarajevu, ul. Semira Frašte br. 22

koga zastupa v.d. direktor Amel Đogić (u daljem tekstu: **Naručilac usluga**)

Transakcijski račun: 154-001-20003337-76 (Intesa Sanpaolo Banka d.d. Sarajevo)

PDV broj: 200353740001

i

„N. CONSULTING“ d.o.o.

sa sjedištem u Sarajevu, ul. Branilaca Sarajeva br. 45

koga zastupa direktor Neriman Čeho (u daljem tekstu: **Pružalac usluga**)

Transakcijski račun: 338-720-22540554-48 (UniCredit bank d.d. Sarajevo)

PDV broj: 202008630000

PREDMET UGOVORA

Član 1.

Predmet ugovora je pružanje usluga revizije finansijskih izvještaja za 2020. godinu, po provedenom postupku javne nabavke konkurentski zahtjev za dostavu ponuda broj: KZ 22/20 a u skladu sa Odlukom o izboru najpovoljnijeg ponuđača / eksternog revizora broj: 03-03-01-1362/20 od 23.11.2020. godine, Odluke odbora za reviziju broj: 02-20-05/21 od 28.01.2021. godine i ponudom zaprimljenom pod brojem 4793/20 od 05.11.2020. godine, koja odgovara uslovima iz tenderske dokumentacije.

OPIS PREDMETA UGOVORA

Član 2.

Predmet ugovora je pružanje usluga revizije finansijskih izvještaja za 2020. godinu u skladu sa konkurentskim zahtjevom i prihvaćenom ponudom Pružaoca usluga br. 45/20 od 27.10.2020. godine.

CIJENA I USLOVI PLAĆANJA

Član 3.

Ukupna vrijednost ugovorene usluge iz Člana 1. ovog Ugovora iznosi:

10.000,00 KM

(slovima: desethiljada i 00/100 KM)

U cijenu ugovorene usluge nije uračunat PDV.

Član 4.

Pružalac usluga se obavezuje da za izvršenu uslugu ispostavi račun u skladu sa Zakonom o PDV-u.

Član 5.

Naručilac usluga se obavezuje da izvrši plaćanje ugovorenih usluga u roku od 30 dana od dana predaje revizorskog izvještaja i fakture Pružaoca usluga.

ROK I MJESTO IZVRŠENJA

Član 6.

Pružalac usluga se obavezuje da će početak, dinamiku i termine obavljanja revizije definisati u dogovoru sa Naručiocem usluga, te da će istu okončati i predati na sljedeći način:

- Nacrt revizorskog izvještaja za 2020. godinu najkasnije do 24. februara 2021. godine,
- Konačan izvještaj o reviziji seta finansijskih izvještaja za 2020. godinu najkasnije do 26. februara 2021. godine.

KJKP „Toplane-Sarajevo“ d.o.o. Sarajevo- Semira Frašte br.22.

OBAVEZE UGOVORNIH STRANA

Član 7.

Naručilac usluga se obavezuje:

- da će blagovremeno obezbijediti svu potrebnu dokumentaciju i prezentirati je revizorima,

- da će snositi odgovornost za finansijske izvještaje i adekvatno objavljivanje,
- da vodi evidenciju ugovorenog broja sati na predrevizijske i revizijske radnje u skladu sa ponuđenim dinamičkim planom.

Član 8.

Pružalac usluga se obavezuje:

- da provede predrevizijske radnje u poslovnim prostorijama Naručioca usluge, u trajanju od 334 sati, te ugovornom organu pismeno podnese izvještaj o utvrđenom stanju u mjesecu februaru 2021. godine za poslovnu 2020. godinu,
- da provede revizijske radnje u poslovnim prostorijama Naručioca usluge, u trajanju od 266 sati, te ugovornom organu pismeno podnese izvještaj o utvrđenom stanju u mjesecu februaru 2021. godine za poslovnu 2020. godinu,
- da reviziju provede u skladu sa Međunarodnim standardima finansijskog izvještavanja, Međunarodnim računovodstvenim standardima i Zakonom o računovodstvu i reviziji FBiH (Službene novine FBiH broj 83/09), koja uključuje ispitivanje, testiranje i prikupljanje dokaza koji potkrepljuju iznose i objave u finansijskim izvještajima, kao i ocjenu primijenjenih računovodstvenih načela, te zvaničnih procjena rukovodstva firme, izradu izvještaja nezavisnog revizora o realnosti i objektivnosti računovodstvenih iskaza o svim značajnim pitanjima položaja KJKP „Toplane-Sarajevo” d.o.o. Sarajevo, kao i rezultata poslovanja iskazanih u bilansu stanja i bilansu uspjeha.
- da će Naručiocu usluga dostaviti pismeni Izvještaj o obavljenoj reviziji sa svojim mišljenjem o prezentiranim finansijskim izvještajima,
- da će ukoliko, u toku revizije, otkrije suštinske nedostatke u računovodstvenom sistemu i sistemu interne kontrole, kao dodatak Izvještaju o reviziji finansijskih izvještaja za 2020. godinu, dostaviti pismo preporuke sa praktičnim prijedlozima za njihovo otklanjanje kao i eventualnom poboljšanju unutar sistema (pismo menadžmentu).

PRELAZNE I ZAVRŠNE ODREDBE

Član 9.

Ugovor se zaključuje i važi do momenta njegove potpune realizacije, uz mogućnost pismenog otkaza bilo koje ugovorne strane. Otkazni rok iznosi 30 dana.

Član 10.

Ugovorne strane su saglasne da sve eventualne nesporazume po ovom ugovoru rješavaju prije svega sporazumno, u duhu dobrih poslovnih običaja, a u suprotnom nadležan je sud u Sarajevu.

Član 11.

Ugovorne strane su saglasne da Pružalac usluga nema pravo, u svrhu izvršenja Ugovora, zapošljavati fizička i pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažovala Komisija za nabavke u postupku koji je prethodio ovom Ugovoru, najmanje šest mjeseci po zaključenju Ugovora odnosno početka realizacije Ugovora.

Član 12.

Ugovor stupa na snagu danom potpisivanja.

Član 13.

Ugovor je sačinjen u 2 (dva) istovjetna primjerka od kojih svaka od ugovornih strana zadržava po 1 (jedan) primjerak.

Za Pružaoca usluga

„N.CONSUZLING“ d.o.o.

n.Consulting
d.o.o.
Sarajevo

Nerman Čežo

Broj: _____/21

Za Naručioca usluga

KJKP „Toplane – Sarajevo“ d.o.o.
v.d. Direktor

Amel Đogić

Broj: 03-08-04-400-502.01/21

**Izvršni direktor za
finansijske i opće poslove**

Predrag Mladen
v.d. Predrag Mladen

Hejre.

ODBOR ZA REVIZIJU

Na osnovu člana 28 Zakona o javnim preduzećima u Federaciji Bosne i Hercegovine (Sl. Novine FBiH broj: 8/05, 81/08, 22/09 i 109/12) i člana 52 Statuta KJKP "Toplane-Sarajevo", d.o.o.(OPU-IP 60/2016) , Odbor za reviziju je na 20. redovnoj sjednici održanoj dana 28.01.2021.godine, donio

ODLUKU

I

„ N CONSULTING “ d.o.o., Sarajevo imenuje se Vanjskim revizorom za reviziju finansijskih izvještaja KJKP „Toplane-Sarajevo“ d.o.o., Sarajevo za 2020.godinu.

II

KJKP "Toplane-Sarajevo" d.o.o. će na osnovu ove Odluke potpisati Ugovor o nabavci usluga sa dobavljačem iz člana 1 ove Odluke.

III

Ova odluka stupa na snagu danom donošenja.

Obrazloženje


Na osnovu Plana javnih nabavki i zahtjeva Službe finansija, Odlukom o pokretanju postupka javne nabavke pokrenut je postupak javne nabavke usluga revizije finansijskih izvještaja KJKP "Toplane - Sarajevo" d.o.o., Sarajevo za 2020. godinu putem provođenja konkurentskog zahtjeva za dostavu ponuda. Kriteriji za izbor najpovoljnijeg ponuđača bila je ekonomski najpovoljnija ponuda. Obavještenje o nabavci je objavljeno na portalu javnih nabavki BiH. Nakon isteka roka za preuzimanje, tendersku dokumentaciju je preuzelo 12 ponuđača, a nakon isteka roka za podnošenje ponuda evidentirano je da je putem protokola u zatvorenoj koverti pristiglo 3 ponude: „N CONSULTING“ d.o.o. Sarajevo, „GRANT THORNTON“ d.o.o., Banja Luka i „BAKER TILLI RE OPINION“ d.o.o., Sarajevo.

Komisija za javnu nabavku usluge revizije finansijskih izvještaja za 2020.godinu, koja je je nakon provedene procedure vrednovanja prihvatljivosti ponude, primjenjujući kriterij, „ekonomski najpovoljnija ponuda“ dala Preporuku o izboru najpovoljnijeg ponuđača za nabavku :

„ N CONSULTING “ d.o.o., Sarajevo, sa ukupnom cijenom ponude od 10.000,00 KM bez uračunatog PDV-a, kao najpovoljnijem ponuđaču, a na osnovu koje je Direktor KJKP "Toplane-Sarajevo" d.o.o. donio Odluku o izboru najpovoljnijeg ponuđača za nabavku usluga revizije finansijskih izvještaja broj: 03-03-01-1362/20, dana 23.11.2020.godine.

Na osnovu gore navedenog, donešena je Odluka kao u dispozitivu.

Predsjednica
Muzamera Šišić



Dostaviti:

- Upravi
- Službi nabavke
- SF
- IMS
- WEB stranica
- A/ a



UPRAVA

Broj: 03-03-01-1362/20

Sarajevo, 23.11.2020. godine

Na osnovu člana 64. stav 1, tačka a, člana 88 i člana 70. stav 1,3 i 6. Zakona o javnim nabavkama („Službeni glasnik BiH“, broj 39/14), člana 8. Pravilnika o uspostavljanju i radu komisije za nabavke („Službeni glasnik BiH“, broj 103/14), Pravilnika o postupku nabavke broj PR/SN/01 od 24.02.2015. godine i Odluke Nadzornog odbora broj: 01-05-02/20 od 27.01.2020. godine, na Preporuku Komisije za javnu nabavku broj: 22/20/5 od 23.11.2020. godine, direktor donosi:

ODLUKU

- o izboru najpovoljnijeg ponuđača za nabavku -

PRUŽANJE USLUGA REVIZIJE FINANSIJSKIH IZVJEŠTAJA

KZ 22/20

Član 1.

Prihvata se Preporuka o izboru najpovoljnijeg ponuđača Komisije za javne nabavke broj: 22/20/5 od 23.11.2020. godine i ugovor za javnu nabavku pružanje usluga revizije finansijskih izvještaja – KZ 22/20 se dodjeljuje ponuđaču:

„N CONSULTING“ d.o.o. Sarajevo

prema ponudi broj: 4793/20 od 05.11.2020. godine, za ponuđenu cijenu bez uračunatog PDV-a u iznosu od:

10.000,00 KM

kao najpovoljnije ocijenjenom ponuđaču.

Član 2.

Izabrani ponuđač je dužan da, u roku od 5 dana od dana prijema ove Odluke, dostavi originale ili ovjerene kopije dokumentacije iz člana 45. 47. i 50. Zakona o javnim nabavkama (ukoliko ponuđač iste nije dostavio u svojoj ponudi).

Ukoliko izabrani ponuđač ne dostavi traženu dokumentaciju u određenom roku ili je dostavi na nepropisan i nepotpun način, ugovor za javnu nabavku će se dodijeliti drugorangiranom ponuđaču, u skladu sa članom 72. stav 3. Zakona o javnim nabavkama

Član 3.

Prijedlog ugovora o nabavci dostavit će se na potpis izabranom ponuđaču, najkasnije u roku od 10 dana, računajući od dana kada su svi ponuđači obaviješteni o izboru najpovoljnije ponude.

Član 4.

Ova odluka će biti objavljena na web-stranici www.toplanesarajevo.ba, istovremeno s upućivanjem ponuđačima koji su učestvovali u postupku javne nabavke, shodno članu 70. stav 6. Zakona o javnim nabavkama.

Član 5.

Za izvršenje ove odluke zadužuje se i ovlašćuje Služba nabavke.



Član 6.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj 03-03-01-1199/20 od 28.09.2020. godine.

Javna nabavka je provedena putem konkurentskog zahtjeva za dostavu ponuda.

Obavještenje o nabavci broj: 160-7-2-143-3-87/20 poslato je na objavu dana 28.09.2020. godine, a objavljeno je na Portalu javnih nabavki BiH dana 28.09.2020. godine u 15:49 sati, te upućeni zahtjevi za dostavu ponuda na tri adrese, shodno članu 88. Stav 1. Zakona o javnim nabavkama.

Dana 15.10.2020. godine, na Portalu javnih nabavki BiH objavljena je ispravka obavještenja o nabavci broj: 160-7-2-143-8-96/20 .u 13:25 sati.

Komisija za javnu nabavku imenovana je Odlukom o imenovanju Komisije za javnu nabavku broj: 03-03-01-1200/20 od 28.09.2020. godine i Izmjenom Odluke o imenovanju Komisije za javnu nabavku broj: 03-03-01-1265/20 od 15.10.2020. godine.

Nakon isteka roka za preuzimanje, tendersku dokumentaciju je preuzelo 12 (dvanaest) ponuđača (u prilogu Izvještaj o preuzimanju tenderske dokumentacije od strane ponuđača sa Portala javnih nabavki BiH www.ejn.gov.ba).

Nakon isteka roka za podnošenje ponuda evidentirano je da su putem protokola u zatvorenoj koverti pristigle sljedeće ponude:

1. „N CONSULTING “ d.o.o. Sarajevo, broj protokola 4793/20 datum 05.11.2020 godine u 08:10 sati.
2. „GRANT THORNTON “ d.o.o. Banja Luka, broj protokola 4815/20 datum 06.11.2020 godine u 08:13 sati.
3. „BAKER TILLY RE OPINION “ d.o.o. Sarajevo, broj protokola 4187/20 datum 06.11.2020 godine u 08:30 sati.

Dana 06.11.2020. godine u 11:15 sati, Komisija za javnu nabavku je izvršila javno otvaranje pristiglih ponuda sačinivši o tome Zapisnik sa otvaranja ponuda, te shodno članu 65. Zakona o javnim nabavkama, izvršila pregled i ocjenu pristiglih ponuda.

Komisija za javnu nabavku dostavila je dana 23.10.2020. godine preporuku o izboru najpovoljnijeg ponuđača broj: 22/20/5 od 23.11.2020. godine zajedno sa izvještajem o radu broj: 22/20/4 od 23.11.2020. godine, zapisnikom o pregledu i ocjeni ponuda broj: 22/20/3 od 23.11.2020. godine, u postupku javne nabavke pružanje usluga revizije finansijskih izvještaja – KZ 22/20.

U postupku, prema izvještaju o radu, utvrđeno je da je Komisija za javnu nabavku blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 3 (tri) ponuda,
- da su blagovremeno zaprimljene 3 (tri) ponude,
- da nema neblagovremeno zaprimljenih ponuda,
- da su ponude ponuđača „N CONSULTING “ d.o.o. Sarajevo i „GRANT THORNTON “ d.o.o. Banja Luka, prihvatljive.



- da je ponuda ponuđača „BAKER TILLY RE OPINION“ d.o.o. Sarajevo neprihvatljiva sa aspekta ispunjenja uslova i zahtjeva definisanih u tenderskoj dokumentaciji, iz razloga što je ponuđač u svojoj ponudi ponudio 334 sata za predrevizijske radnje i 280 sati na revizijske radnje što ukupno iznosi 614 sati, čime ponuđač nije ispunio uslov iz tenderske dokumentacije da „Ukupan broj sati za predrevizijske i revizorske radnje ne može biti duži od 600 sati“.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjele ponude, shodno kriteriju iz tenderske dokumentacije.

U postupku ocjene provedenog postupka, Uprava nije našla razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Uvidom u priloženu dokumentaciju, nesporno je da je izabrani ponuđač najbolje ocijenjen, primjenjujući kriterij „ekonomski najpovoljnija ponuda“, te da je rang listu prihvatljivih ponuda / ponuđača slijedeća:

R. br.	Naziv / ime ponuđača	Podkriterij Cijena	Podkriterij Broj sati utrošenih na predrevizijske radnje	Podkriterij Broj sati utrošenih na revizijske radnje
		Broj bodova	Broj bodova	Broj bodova
1.	„N CONSULTING“ d.o.o. Sarajevo	10.000,00 KM	334 sati	266 sati
		50,0000	25,0500	20,0000
2.	„GRANT THORNTON“ d.o.o. Banja Luka	10.000,00 KM	400 sati	200 sati
		50,0000	30,0000	15,0376

R. br.	Naziv / ime ponuđača	Broj bodova
1.	„N CONSULTING“ d.o.o. Sarajevo	95,0500
2.	„GRANT THORNTON“ d.o.o. Banja Luka	95,0376

Cijeneći navedenu rang listu i kriterij za vrednovanje, ugovor za pružanje usluga revizije finansijskih izvještaja se dodjeljuje ponuđaču:

„N CONSULTING“ d.o.o. Sarajevo

sa ukupnom cijenom ponude u iznosu od 10.000,00 KM bez uračunatog PDV-a

kao prvoplasiranom na rang listi sa ukupnim brojem bodova 95,0500.



Iz navedenih razloga, primjenom člana 64. stav 1. tačka b, člana 88 i člana 70. Zakona o javnim nabavkama te Pravilnika o postupku nabavke broj PR/SN/01 od 24.02.2015. godine, odlučeno je kao u dispozitivu.

POUKA O PRAVNOM LIJEKU:

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke. Žalba se izjavljuje ugovornom organu, kao prvostepenoj instanci u žalbenom postupku, u pisanoj formi i najmanje 3 (tri) primjerka.



v. d. Direktor

Amel Đogić

Handwritten signature and initials

Dostaviti:

1. Ponuđaču: N CONSULTING d.o.o. Sarajevo
2. Ponuđaču: GRANT THORNTON d.o.o. Banja Luka
3. Ponuđaču: BAKER TILLY RE OPINION d.o.o. Sarajevo
4. Službi nabavke a/a
5. web stranica preduzeća

OBRAZAC ZA CIJENU PONUDE

NAZIV PONUĐAČA: n-Consulting d.o.o.Broj ponude: 45/20Datum: 27.10.2020Strana 16 do 16

R.b.	Opis	Ukupna cijena bez uračunatog PDV-a
1.	Revizija finansijskih izvještaja za 2020. godinu u skladu sa tačkom 6. Tenderske dokumentacije	
UKUPNA CIJENA BEZ URAČUNATOG PDV-a:		10.000,00
POPUST %:		-
UKUPNA CIJENA SA POPUSTOM BEZ URAČUNATOG PDV-a:		10.000,00

- ✓ Na predrevizijske radnje koje će se obavljati u sjedištu ugovornog organa utrošit ćemo 334 sati.
- ✓ Na revizijske radnje koje će se obavljati u sjedištu ugovornog organa utrošit ćemo 266 sati.

Mjesto i datum: 27.10.2020

Potpis i pečat ovlaštenog lica:

[Signature]
 n-Consulting
 d.o.o.
 Sarajevo

